

林邵州集

卷上

序

唐邵州刺史林蘊集陳振孫直齋書錄解題鄭樵通志氏族畧均云一卷康熙癸巳裔孫錫周鐫本稱原集有書十序十二記九表六銘五文十四賦十一風十律三十六說三考五碑二今皆不存邵州之後人宋梅卿大鼎艾軒光朝謙甫益之明成化初敬齋宗先後三鐫是集梅卿鐫者曰紹仁集取宋高宗忠紹三仁之褒以命名亦曰邵州遺文分上下二卷卽陳氏鄭氏所見一卷之本是也久益散失則僅掇緝遺文爲上卷附史傳雜記

下卷卽明代及康熙重鐫

之本是也

一福鼎王君父

泉

從侯官

趙文

叔乞是本於莆田屬壽祺考定乃採邵州父兄之作
附之而稍爲芟益其餘付築氏閩越自漢建元元封
兩徙其民江淮間虛其地故人文久湮晉永嘉之亂
衣冠南渡陳鄭林黃詹邱何胡八姓先入閩屬中原
多事畏難懷居故仕宦名跡鮮有聞其以忠義文學
奮乎百世之上則自唐林邵州始邵州貞元四年明
經及第兄藻貞元七年進士閩越人無先之者昌黎
韓公以爲始於歐陽詹失之矣抑科名固不足言也
邵州文最可傳者上宰相李吉甫李絳武元衡張宏

靖三書其一見唐書儒學傳其二見唐文粹當貞元
初吐蕃寇掠西陲震蕩畿輔淮西違命數十年疲於
征討邵州言命將安邊以收三鎮之效又言議者謂
淮蔡兵強皆腐儒豎子之談以天下無限之勇士破
淮西有數之兇賊孰爲不可於時李絳請以神策軍
割隸涇原節度李吉甫請歸普潤軍於涇陽又請因
時經度淮西張宏靖請併攻元濟而後悉師河朔毋
亦皆邵州甚之也其論事慷慨似杜牧其料敵識畧
在杜黃裳裴度之先至於規韋臯折劉闢論滄海首
將雖顏真卿之於陳希烈譚忠栢耆之於劉總王承

宗何以尙焉。顧唐書記邵州坐贓杖流儋州。余謂忠鯁如邵州安得以墨敗。昔于頔鎮襄陽恣威虐誣奏鄧州刺史元洪贓罪朝旨不得已爲流端州。邵州之獄殆類是而史從而枉之過矣。雖然歐陽四門之傳也由昌黎邵州之傳也由廬陵。安陸若劉司空舊書咸闕焉。後世其孰能徵之。然則士君子闡揚前詰之功曷可少乎哉。王君名遐春游文好古。吉泉名學貞郡學生治經有聞。嘗鉞歐陽詹徐寅黃滔王棨諸集。又將重鉞長樂陳氏禮樂二書其於鄉先正拾遺修堅可謂篤志者也。

嘉慶十有七年壬申二月福州陳壽祺謹序

舊序

嘉定己巳歲望後之三日沈承先生文公命作書集
傳甫竣事適莆田林益之遊武夷過沈廬出紹仁集
命序曰此益之始祖有唐忠烈邵州公遺文存稿也
紹興十六年我曾伯祖梅卿大彝公作重廣邵州續
慶圖成高宗皇帝御筆賜我邵州公以忠紹三仁四
大字天章璀璨邵州之勲節益彰於時梅卿檢公遺
文僅得若干首謀付梓顏曰紹仁集誌崇德象賢昭
殊榮異典也而編定以序之者則又我曾叔祖艾軒
光朝公也然以孫子而闡揚宗祖無是一家之言子

其爲我序之沈受而讀喟然歎曰用公之道自宜震
當時而昭後代豈待文而顯哉頌公之文自可論其
世而知其人豈待序而傳哉然沈不敢辭者詩曰高
山仰止公之勲業在當時流風直百世矧元和迄今
地之相去若此其未遠世之相後若此其近也念公
之孫子若梅卿者好學不倦正色立朝爲奸相忌嫉
則其人可知矣艾軒與陸子正遊專心聖賢踐履之
學我文公亟稱之曰某少年過莆見林謙之說得道
理極精細爲踴躍鼓動退而思之至忘寢食益之逮
事文公學深而行古沈喜承三君子後得掛名公之

集中亦有餘榮昔文公先生序王梅溪集云得陽德
剛明之氣沈於是集亦云武夷後學蔡沈撰


忠 三
紹 仈

宋紹興十六年賜進士殿中侍
御史右諫議大夫兼侍讀學
士權吏部尚書太師兼太子
詹事廣慶宮成表求御寶
高宗書此賜太師兼太子詹
事加冕服祀春秋


紫霄巖



福唐公	循州公	通州公	橫州公	端州公	江陵公	韶州公	邵州公	同州公
-----	-----	-----	-----	-----	-----	-----	-----	-----



積善庵



墓收九



林氏收葬



楓林寺



壽陽

生則同處死則同
死在于垂訓於今

為題

後學王遜春拜題

唐邵先生像



林邵州論

伐木者視其根根之紆縈絞蔓者其所稟受必天
胎地孕內堅其質石凝泉盪外勁其身縱萬夫舉
力肩蔽三光斧填百谷聲徹九衢許許丁丁勇莫
能入技莫能出唐史之論邵州類是夫唐史之論
邵州非短邵州也然而殺客投尸籍其妻爲娼復
坐贓流儋州而卒則短邵州嗚乎邵州可短乎當
劉闢之叛天闕將傾地維幾陷熊羆虎豹之屬依
山被野拒白帝奪夔門煽巫峽動西川車堅馬健
矢短刃長奸民恃焉以擾官府官府懾焉以動闕

庭邵州獨當其地掉三寸之舌敵百萬之師端貞
鯁亮如登千仞而旋危石如持堅木以叩洪鐘卒
之烟雲變色天日回光砥劍一呼亂軍披靡西土
之不亡其誰之力也易曰王臣蹇蹇匪躬之故曾
子曰可以託六尺之孤可以寄百里之命臨大節
而不可奪也君子人與君子人也邵州之謂矣顧
短之乎且世之短邵州以其過也其重邵州不以
其忠乎夫以其忠則謂忠爲難古未有忠於國而
短于行者陶令之之見殺或者多之之過也邵州
蓋忠憤之士抗闕諭權履刀鋸若康莊負名節如

華嶽翫髀倚門無不狎侮時有所卑詘則不免爲人所挫辱辱將必報漢淮陰之於袴下李廣之於潮陵尉是也籍妻之說又或文致已甚歟甚矣世之好議論人也不成人之美而被人以惡非有賢人君子爲之剖析則道塗竊聽之徒抗顏挫舌疑以成信又烏從而辨之昔崔博陵刺連永未至永而連之人以賊愬御史按章治其罪坐流驩州裴瑾刺金州猾吏揚言以必得三十萬緡爲解瑾召罵之恣所爲吏巧以奏再謫道州循州爲左掾邵州之卒儋州殆例此矣悲夫邵州陷奔羅顛踣